

Protocol no. 50
Sezzüda da l'ndeschdi, 22 favrer 2010, 20.00–22.30

Preschaints: Jon Carl Rauch; Chasper Alexander Felix, Georg Salomon, Jachen Andri Schmidt e Rico Zini (protocol)

S-chüsada: Marianne Werro-Lehmann

Protocol

Il protocol no. 49 da la sezzüda dals 15 favrer 2010 vain approvà.

406 021 FABRICA
Rita e Flurin Nuotch-Chasa nouva - Saglina

Il Cussagl cumünal decida da dar il permiss da fabrica seguaintamaing:

1. Tenor la dumonda acclusa al permiss da fabrica
2. Il Cumün inchascha seguaintas taxas tenor il reglamaint da taxas e sia agiunta:
 - taxa da trattamaint fr. 550.--
 - taxa d'attach d'aua, prov. 1.5 % fr. 8'250.--
 - taxa d'attach chanalisaziun e sarinera, prov. 2.0 % fr. 11'000.-- excl. ipv.
 - taxa d'attach provedimaint electric, prov. 1.0 % fr. 5'500.-- excl. ipv.
3. Pel rinforz da l'attach electric vain inchaschè tenor art. 17 dal reglamaint da taxas e las indicaziuns dal controllör da las OEE.

407 021 FABRICA
Ulrich Franke-Renovaziun chasa-Archas 199

Per cha'l patrun da fabrica possa isolar la fatschada extern, faja davart dal Cumün dabsögn d'ün permiss per fabricar plü dastrusch. I's tratta da 18 cm vers la via. Il Cussagl cumünal decida da princip da dar il dret per cha'l patrun da fabrica possa elavurar ün contrat per til preschantar al Cussagl cumünal.

408 942.423.05 Fits per terrains cumünals
Fittanza da terrain cumünal-Costa Soblantin

In assenza da Georg Salomon causa interessenza privata, decida il Cussagl cumünal, davo avair examinà las annunzchas da dar a fit il terrain cumünal a Georg Salomon. El nun ha amo ingün terrain cumünal a fit.

409 151 TIR DA SCHAIBGIAS
Tir da chatscha a Parnarsura

Il Cussagl cumünal decida da postar fingià uossa las chaistas previssas per tschüffer sü ils tuns. Uschè as poja trar a nüz ün rebass da predsch.

411 021

FABRICA

Ustaria s'la pista dal söm (Taslaina)

L'analisa fatta da Seraina Felix muossa las pussibilitats a man da duos variantas. Ella muossa chi saja pussibel da realisar our da la stalla e tablà da Taslaina ün' ustaria. Ils cuosts s'amuntan sün, tuot tenor che varianta, tanter fr. 450'000.-- fin fr. 500'000.--.

Il Cussagl cumünal decida cha'l man public nu dess pel mumaint gnir activ in quella direcziun. Pussibilitats per privats füssan tuot tenor dattas.

412 810.503.02

Magazin cumünal Tuols

Donaziun

L'actuar infuormescha chi saja entrada üna donaziun da fr. 15'000.-- da la fundaziun Jacques Bischofberger per la realisaziun dal lavuratori cumünal.

413

INFUORMAZIUNS

Cumischiun sindicatoria

Il schef da fabrica orientescha al Cussagl cumünal cha la cumischiun sindicatoria haja als 5 favrer 2010 clomà aint üna sezzüda illa quala saja gnü discuss sur da l'andamaint da differentas dumondas da fabrica plü veglias. La prüma tractanda s'haja pudü evader e las otras intimaziuns da la cumischiun sindicatoria as piglia per mans.

L'actuar: